

تامر حسنى ينصح جمهوره بأعمال إبراهيم الفقى ويوجههم لأولى خطوات النجاح

نصح الفنان تامر حسنى جمهوره بضرورة مشاهدة فيديوهات الدكتور إبراهيم الفقى، رائد التنمية البشرية الراحل، إذا شعروا باليأس والتخبط في مستقبلهم، وللمساعدة على النجاح في حياتهم الشخصية والعملية، كما نصح جمهوره بهذه الخطوة من أجل مساعدتهم على اتخاذ قرارات ناجحة في حياتهم. ونشر الفنان تامر حسنى على صفحته على موقع التواصل الاجتماعى "فيس بوك" مقطع فيديو لمحاضرة للدكتور الراحل إبراهيم الفقى بعنوان "الطريق إلى النجاح وإزاي تكون شخصية ناجحة في حياتك".



وقال تامر في التدوينة: "اللي عايز ينجح فيكم أو يخرج من أي فكرة محببة بترأوده أو مش عارف يبدأ إزاي أو حوالية محبطين أو مستقل ومستضعف نفسه لازم يتفرج على الدكتور إبراهيم الفقى الله يرحمه وباريت لو تابعوه كويس في كل حلقاته وافهموا كلامه كويس .. والله بيتكلم صح و كل حد نجح فعلاً هي دي الحوارات اللي بتبقى داخله بين الإنسان ونفسه".

وتابع الفنان تامر حسنى: "عارف أن في كتير مننا مش عارفين هما عايزين إيه بس ده طبيعي متقلقوش بس لازم تدوروا وتأخذوا قرار انطلاق من دلوقتي أنكم تفهموا وتستقروا عايزين إيه و عادي لو لقيتوا سكة مقفولة جداً من كل حاحه جربوا تاني وتالت ولو مقفولة لسه يبقى جايز ربنا مش كاتبلك خير فيها بما إنك عملت اللي عليك، يبقى لازم تدور في حلم تاني زي ما أنا كنت متخيل أني لازم اطلع لاعب كرة قدم و زعلت لما معرفتش أحقق الحلم ده وبسرعة روحت لحلم تاني واتاري ربنا كان كاتبلي فيه مستقبل أحسن ليا والله العظيم متأكد ان كلامي هيكون إشارة واضحة زي الشمس لناس كتير فيكم انها تبدأ".

(هذا المقال نشر في الموقع الإلكتروني لجريدة "اليوم السابع" بتاريخ 2 مارس 2020)